

ու թէ խեղանդամ և թխրամիտ անգամներ հասարակութեան: Մեր ժամանակը դեռ եւ մանուկ—ծերունիների շրջանին է պատկանում ուր հիւանդոտ, գունատ, կարճատև, կորամէջ և լին. աշակիրտ պատանի ծերունիներն առանձին շնորհների տէր անձինք են համարուում: Այս մի մեծ և սպառնալից չարիք է, որի առաջը մասամբ կառնուի դպրոցական վարչութիւններն մի բժիշկ անդամով լրացնելով:

Ն. Բ.

ՄԵՆԵՐԱՌԻՐԵ

Պարսից շահի գանձարանը. — Յայտնի է որ Պարսկաստանում պետական գանձարան չը կայ, երկրի բոլոր հարստութիւնը շահինն է. այս է պատճառը, որ Նասր—էդ—Դին հանգուցեալ շահն իւր յաւորդի համար ահագին գանձ է թողել: Թէրանում շահի պալատի ներքնայարկը գանձարան է, որի դռների առաջ գիշեր ցերեկ պահապաններ են հսկում: Այդ գանձարանում ամբարտաւ են հարելուտը միլիոնների ոսկի և արծաթի դրամներ, այլ և մեծ քանակութեամբ ծոյլ ոսկի և արծաթ: Բացի ազնիւ մետաղներից շահի գանձարանն հարուստ է թանկագին ակնեղէնով, շոհակներով, աղամանգով, մարգարտով, յակինթով և գնդուստով: Այլ թանկագին իրերի հետ այդ գանձարանում գտնուում է մի ոսկէ երկրագունդ 60 հարիւրամէտր սրամագծով. այս երկրագունդը ծածկուած է ազնիւ քարերով: Հնդկաստանը ծնւաբաւ է հոյակապ ամտիս քարերով, Եփրիկէն — յակինթով, Անգլիան շողակներով, ծովքը գնդուստից են: Զառարանների անունները դրուած են պարսկերէն:

Նոյն գանձարանի գործերից մէկն է և շահի գանդ, որ ծոյլ ոսկուց է և քարերով ընդելուգած: Գահի քարծնի ու Նրա առաջնի գործն ևս ակնեղէնով ընդելուգեալ են: Գանձարան մէջ են պահպանուում նա և զէնքերի հարուստ ժողովածուն և արքայական զգեստը երկար խալատ, թանկագին քարերով զարդարած:

Երկնքի լուսանկարը. — 1887 թուականից սկսած Փարիզի աստղաբաշխական դիտարանում աշխատում են աստղաբաշխ երկնքի լուսանկարն հանելու վերայ, որին օգնում են այլ երկրների աստղաբաշխական դիտարանները: Այս հսկայական գործի մեծ մասն արդէն կատարուած է և նորիս ստացուած նիւթերը քննելու համար մի շաբաթ շարունակ աշխատում էին Փարիզում 15 օտար և 9 Ֆրանսիացի աստղաբաշխներ: Մինչ 2000 տարի առաջ յայտնի էին միայն 1,22 աստղեր, այժմ ճանաչուած ենք միլիոնից աւելի: Այժմ ճշտարկուած է երկու մեծ քարտէսների պատրաստութեան, որոնցից առաջինը պիտի բովանդակէ երկու և կէս միլիոն աստղ, իսկ երկրորդը — 50 միլիոն: Տասն և ութ աստղաբաշխական կայարաններ տան տարի է ահա աշխատում են լուսանկարելու աստղաբաշխ երկնքը:

Կենդանիների ապահովութիւնն Անգլիայում. — Անգլիայում կայ կենդանիների պաշտպանութեան մի ընկերութիւն, որի նպատակն է տարածել այն գիտակցութիւնը, թէ մարդիկ պարտական են կենդանիների հետ բարեկամաբար վարուելու: Այս ընկերութիւնը նորիս մի պատգամաւորութիւն է ուղարկել լուսաւորութեան պաշտօնէի մօտ խնդրելու, որ տնտեսիւնից նպաստ ստացող բոլոր դպրոցներում մանուկներին ծանօթացնեն ընտանի կենդանիների սովորութիւնների և կարիքների հետ, որպէս զի հետգնետէ վերանայ կենդանիների հետ խստասրտութեամբ վարուելը:

Զուիցներիոյ դպրոցական կեանքը: Զուիցներիոյ ներքին գործոյ պաշտօնէութեան յանձնարարութեամբ Զիկագոյի աշխարհամանդիսի համար Դոկտոր Օ. Հունցիկը մի տեղեկագիր էր պատրաստել, ուր համառօտ և ամփոփ կերպիւ նկարագրած է Զուիցներիոյ դպրոցական իժակը հետև ու այժմ: Միջին դարերում Զուիցներիոյ դպրոցները միայն վանական էին (Ռալիշմաու, Սթ. Գալլեն, Ս. Մորից, Զուր, Մենտոն), ապա քաղաքային, որոնց մէջ ողորմելի, զրկել ուսուցանող դպրոցներ միայն կային. հումանիտաների շնորհիւ և տալագրութեան գիտի պատճառաւ, այլ և կրօնական յեղափոխութեան ազդեցութեամբ բարգաւաճեցին դպրոցներն. մինչև 18 դարու կէսը դպրոցական վիճակն անկախ էր, ապա ծաղկեց և սկսած 1848 թուականից մինչև մեր օրերը մեծամեծ քայլեր արւա դէպի յառաջ: Բացի ժողովրդական, միջին և մասնագիտական դպրոցներից Զուիցներիոյ այժմ 8 քաղաքային դպրոց ունի, մինչ առաջ միայն մի հատ ունէր:

Գերմանական համալսարանների ուսանողների թիւը: Այս ամառային կիսամիկին Բեռլինի համալսարանում ուսանում էին 4649 ուսանող: 576 հոգի ուսանում են աստուածաբանութիւն, 1596 իրաւաբանութիւն, 1118 բժշկութիւն և 1759 հոգի փիլիսոփայութիւն: Բեռլինի համալսարանն ունի բացի դրանից 255 ազատ ունիդիւրներ, որոնցից 55 կանայք են: Բեռլինի այլ քաղաքային դպրոցներում, զինուորական բժշկական ճեմարանում արուեստագիտական քաղաքային դպրոցում, հանքաբանական ճեմարանում ևս ուսանում են 5664 հոգի, ընդամենն ուրեմն Բեռլինում քաղաքային կրթութիւն են ստանում 8546 անձ: Օտարների թիւը Բեռլինի քաղաքային դպրոցներում 675 է: Միւլհայմի համալսարանն ունի 3777 ուսանող, որոնցից 141 աստուածաբան, 124 իրաւաբան, 150 հոգի հասարակական գիտութիւններ ուսանող, 1259 բժիշկ, 12 աստաւաբայ, 865 փիլիսոփայ, 251 զեղազոր են: Օտար ուսանողների թիւն է 207: Լայպցիգի համալսարանն ունի 2876 ուսանող, 555 աստուածաբան, 920 իրաւաբան, 622 բժիշկ, 56 աստաւաբայ, 965 փիլիսոփայ, օտար ուսանողների թիւն է 268: Բոննի համալսարանն ունի 1865 ուսանող: Բրեսլաւի համալսարանում կան 1425 ուսանող (25 օտար): Հալլէում 1415 (128 օտար): Փրայքսլերգում 1579 (102 օտար): Վիւրցբուրգում 1559 (55 օտար): Տիւբինգէնում 1172 (25 օտար): Հայդէլբերգում 1164 (187 օտար): Էրլանգէնում 1158 (56 օտար): Գէթտինգէնում 1407 (97 օտար): Մարբուրգում 965 (55 օտար): Գրայֆսվալդ 948 (55 օտար): Ստրասբուրգ 958 (80 օտար): Ծնա 761 (91 օտար): Կիլ 708 (19 օտար): Կէօնիգսբերգ 700 (45 օտար): Գիսսէն 650 (11 օտար): Ռուստոկ 500 (10)

օտար)։ Միւս տէրի ծննդանում 448 ուսանող կայ (8 օտար)։ Գերմանական 21 համալսարաններում այս ամսու ուսանում են 29,802 հոգի, որոնցից բուն գերմանացի են 27,615 հոգի, իսկ 2,189 հոգի օտար ներգաղթի։ Անցած ժամրային կիսամեկի համեմատութեամբ բոլոր ուսանողներին թուին աւելացել է 685 ուսանող։

Տգրուէի պատճառով վնասը. — Պրոքսնոր Պաշինօտի արդէն վեց տարի սրանից առաջ բժշկութեան մէջ գործածուող տղուկները քննելու ժամանակ 55 հատից երկուսի մէջ զտաւ Նիկոլայէրի եւ Բօգէնբախի յայտնի քաղցիւր եւ առհասարակ եկաւ այն համոզման, որ տղուկներին միջոցաւ ճշտ կերպով կարելի է վարակիչ հիւանդութիւններ պատուաստել։ Դր այդ հայեացքը եւ հետազոտութիւնների հետեւեցը հեղինակը արծարծեց մի ընդարձակ յօդուածում 1890 թուին։ Այժմ Պաշինօտին նորերումս իրան պատահած մի դէպքի մասին հաղորդում է, թէ ինչպէս մի հիւանդ տղուկի կայնելուց յետոյ վարակուեց մահացու լըգողութեամբ եւ արեան վարակմամբ։ 18 ժամ մահից յետոյ դիակը ննթարկուեց քննութեան. սրտի եւ միւս գործարանների արեան մէջ գտնուեցին մահաբեր լըգողութեան քաղցիւրը, այդ գիտը հաստատուեց պատուաստելով անասուններին եւ հիւանդացնելով նրանց մի եւ նոյն հիւանդութիւնով։



ԱԶԳԱՅԻՆ.

ԵԿԵՂԵՑԻ ՀԱՅԱՍՏԱՆԵԱՅՑ. ՄԱՅՐ ԱԹՈՒ.

ՄԻԲԱԼՈՅՍ ՄԻԻՌՈՒՆԻ ՕՐՀՆՈՒԹԵԱՆ ՀԱՆԳԻՒՄԻ ԵՆՏԸԶԳՈՒՄԸ.

Հաստ յարգելի պատճառներ ստիպում են Ազգիս Վեհափառ Հայրապետին յետաձգել Ս. Միւսուրի օրհնութիւնը որ նշանակուած էր կատարելու առաջիկայ տիպեմբերի 29-ին։

Մի այսպիսի անսպասելի եւ անսովոր յետաձգման որոշումն անշուշտ իւր ծանրակշիւ պատճառներն ունի. ուստի եւ յուսով ենք, որ մեր ազգայինք կյարգեն իւրեանց Սիրեցեալ Հայրիկի այս նոր կարգադրութեան յայտարարութիւնը եւ աներկբայելի յուսով կսպասեն մօտ ապագայում արժանանալու այդ շնորհաբաշխութեան հանդիսին, որ պիտի կատարուի Տեառն յաջողութեամբ աւելի յարմար ժամանակ, երբ նաեւ Մայր Տաճարի ներքին նորոգութիւնը աւարտած եւ բազմաթիւ բարեպաշտ ուխտաւորաց ընդունելութեան համար ձեռնարկած պատրաստութիւնները վերջացած կլինին։

Վեհափառ Հայրապետը Օգոստոսի 26-ին հաճեցաւ իջնել Բիւրական ամարանոցից Ս. Էջմիածին, ուր բաղմամբիւ եկեղեցական վարչական եւ դպրոցական խնդիրներ նորին Օծութիւնն անձամբ սկսաւ կարգադրել։

Ներքին գործոց նախարարութիւնից յայտնուած է նորին Վեհափառութեան, որ Պետերբուրգից Մայր—Աթոռս պիտի ժամանէ օտար դաւանութեանց վարչութեան տեսուչ պ. Մասալովն իրեն օգնական ունենալով Պետերբուրգսկի վեգոմոստիս խմբագիր իշխան Սխտովսկուն, որոնք պիտի դիտեն մեր դպրոցական հաստատութիւններից մի բանիսը։

Գ. ՃԵՄԱՐԱՆ.

Այս տարի Գ. Ճեմարան մտնել ցանկացող աշակերտաց թիւը շատ մեծ էր, չը նայելով որ տեղի անձկութիւնն եւ նախահաշուի որոշումները թոյլ չէին տալիս շատ աշակերտ ընդունելու, բայց Վեհափառ Հայրիկն Իւր յայտնի գթութեամբ հրամայեց չը մերժել պատրաստի եւ ուսումնատենչ պատանիներին, Ընորհիւ Վեհափառ կաթուղիկոսի այս հրամանի երրորդ դասարանին կից այլեւս զուգընթաց դասարաններ պիտի բացուին, որի համար ընդունուած են արդէն իսկ 60 աշակերտ, սակայն նորեկ աշակերտների հոսանքը դեռ եւս չէ դադարել։

Դպրանոցներից շրջանաւարտ սաներ եւ խնդրամատոյց են եղել առաջին լսարան մտնելու, որոնցից առ այժմ ընդունուած են միայն 4 հոգի։

Նորին Օծութիւնը մտադիր է Ճեմարանի լսարանի աշակերտները տեղափոխել տալ ս. Գայեանէի նոր շինութիւնն եւ այսու տեղ բանալ նորեկ աշակերտաց համար։

ՏՊԱՐԱՆ ՄԱՅՐ ԱԹՈՒ.

Մայր Աթոռոյս տպարանն այսուհետեւ պիտի կատարէ ամենայն տեսակ տպագրական յանձնարարութիւններ, որովհետեւ տպագրուելիք բոլոր գրքերը պէտք է կովկասեան գրաքննութեան հաւանութիւն ստացած լինեն։ Տպագրական յանձնարարութիւններ ունեցողներին առաջարկում ենք դիմել տպարանական մասնաժողովին։

Տպարանն ունի այժմ յատուկ կազմատուն եւ